

রেজিস্টার্ড নং ডি এ-১ “জাতির পিতা বঙ্গবন্ধু শেখ মুজিবুর রহমানের  
জন্মশতবার্ষিকী উদ্‌যাপন সফল হোক”



অতিরিক্ত সংখ্যা  
কর্তৃপক্ষ কর্তৃক প্রকাশিত

বৃহস্পতিবার, জুলাই ২৮, ২০২২

গণপ্রজাতন্ত্রী বাংলাদেশ সরকার  
শ্রম ও কর্মসংস্থান মন্ত্রণালয়  
চেয়ারম্যানের কার্যালয়  
নিম্নতম মজুরী বোর্ড  
বিজ্ঞপ্তি

তারিখ: ১২ শ্রাবণ, ১৪২৯ বঙ্গাব্দ/২৬ জুলাই, ২০২২ খ্রিষ্টাব্দ

নং ৪০.০৪.০০০০.০০২.৩৬.০১৪.২০.১২৯—বাংলাদেশ শ্রম আইন, ২০০৬ (২০০৬ সনের ৪২ নং আইন) এর ১৩৯ (১) ধারা এবং বাংলাদেশ শ্রম বিধিমালা, ২০১৫ এর ১২৮ (১) বিধি মোতাবেক নিম্নতম মজুরী বোর্ড কর্তৃক “হোমিওপ্যাথ কারখানা” শিল্প সেক্টরে নিযুক্ত সকল শ্রেণির শ্রমিকগণের জন্য নিম্নতম মজুরী হারের খসড়া সুপারিশ, ২০২২ জনসাধারণের/সংশ্লিষ্ট সকলের অবগতির জন্য অত্র বিজ্ঞপ্তি মারফত জানানো যাইতেছে।

অত্র বিজ্ঞপ্তিতে প্রকাশিত “হোমিওপ্যাথ কারখানা” শিল্প সেক্টরে নিযুক্ত সকল শ্রেণির শ্রমিকগণের নিম্নতম মজুরী হারের খসড়া সুপারিশের উপর যদি কাহারও কোনো আপত্তি বা সুপারিশ থাকে তাহা হইলে এই গেজেট বিজ্ঞপ্তি প্রকাশের ১৪ (চৌদ্দ) দিনের মধ্যে উক্ত আপত্তি বা সুপারিশ উপাত্তসহ লিখিতভাবে চেয়ারম্যান, নিম্নতম মজুরী বোর্ড, ২২/১, তোপখানা রোড, বাশিকপ ভবন (৬ষ্ঠ তলা), সেগুনবাগিচা, ঢাকা -১০০০ বরাবর পাঠাইতে হইবে। উক্ত সময়সীমার মধ্যে প্রদত্ত আপত্তি বা সুপারিশ বিবেচনার পর বোর্ড সরকারের নিকট সুপারিশ পেশ করিবেন।

মোঃ শাহেনুর  
চেয়ারম্যান (সিনিয়র জেলা জজ)  
নিম্নতম মজুরী বোর্ড, ঢাকা।

( ১২৮৫৫ )  
মূল্য : টাকা ৮.০০

**“হোমিওপ্যাথ কারখানা” শিল্প  
খসড়া সুপারিশ-২০২২**

গণপ্রজাতন্ত্রী বাংলাদেশ সরকারের শ্রম ও কর্মসংস্থান মন্ত্রণালয় কর্তৃক ২৩-০৩-২০২২ তারিখে বাংলাদেশ গেজেটের অতিরিক্ত সংখ্যায় প্রকাশিত প্রজ্ঞাপন মূলে (এস. আর. ও নম্বর ৫২-আইন/২০২২ তারিখ: ১৫-০৩-২০২২) নিম্নতম মজুরী বোর্ডে “হোমিওপ্যাথ কারখানা” শিল্প সেক্টরের প্রতিনিধিত্ব করিবার জন্য মালিকগণের প্রতিনিধিত্বকারী সদস্য ও শ্রমিকগণের প্রতিনিধিত্বকারী সদস্য নিয়োগ করা হয়। অতঃপর শ্রম ও কর্মসংস্থান মন্ত্রণালয় এর স্মারক নম্বর ৪০.০০.০০০০.০১৬.৩২.০৭৫.১৭.৩৭ তারিখ: ৩১-০৩-২০২২ খ্রিষ্টাব্দ মূলে আইন ও বিধি মোতাবেক “হোমিওপ্যাথ কারখানা” শিল্প সেক্টরে নিযুক্ত শ্রমিকগণের নিম্নতম মজুরী নির্ধারণের কার্যক্রম গ্রহণের জন্য নিম্নতম মজুরী বোর্ডের চেয়ারম্যানকে অনুরোধ জানানো হয়।

অতঃপর নিম্নতম মজুরী বোর্ড “হোমিওপ্যাথ কারখানা” শিল্প সেক্টরে নিযুক্ত সকল শ্রেণির শ্রমিকগণের জন্য নিম্নতম মজুরী হারের সুপারিশ প্রণয়নের উদ্দেশ্যে নিম্নতম মজুরী বোর্ডের একাধিক সভা অনুষ্ঠিত হয়। এছাড়া বোর্ডের চেয়ারম্যান ও সদস্যগণ ঢাকা জেলার যাত্রাবাড়ী ও ডেমরা থানাধীন এলাকায় অবস্থিত যথাক্রমে মেসার্স ডিপলেড ল্যাবরেটরিজ লিমিটেড, মেসার্স জে-বকস্ এন্ড কোম্পানী লিমিটেড ও মেসার্স ঢাকা হোমিও ল্যাবরেটরিজ লিমিটেড এ উপস্থিত হইয়া বিভিন্ন কার্যক্রম পর্যবেক্ষণ ও সংশ্লিষ্ট মালিক ও শ্রমিক নেতৃবৃন্দের সাথে মতবিনিময় সভা করে তথ্য উপাত্ত সংগ্রহ করেন। বোর্ডের সভায় সংশ্লিষ্ট শিল্পের মালিকগণের প্রতিনিধিত্বকারী সদস্য ও শ্রমিকগণের প্রতিনিধিত্বকারী সদস্য কর্তৃক দাখিলকৃত মজুরী প্রস্তাবসহ বাংলাদেশ শ্রম আইন, ২০০৬ এর ১৪১ ধারা মোতাবেক শ্রমিকগণের জীবনযাপন ব্যয়, জীবনযাপনের মান, উৎপাদন খরচ, উৎপাদনশীলতা, উৎপাদিত দ্রব্যের মূল্য, মুদ্রাস্ফীতি, কাজের ধরন, ঝুঁকি ও মান, ব্যবসায়িক সামর্থ, দেশের এবং সংশ্লিষ্ট এলাকার আর্থ-সামাজিক অবস্থা এবং অন্যান্য প্রাসঙ্গিক বিষয় পর্যালোচনা করা হয়। সার্বিক অবস্থা বিবেচনাপূর্বক বাংলাদেশ শ্রম আইন, ২০০৬ এর ধারা ১৩৯ মোতাবেক “হোমিওপ্যাথ কারখানা” শিল্প সেক্টরে নিযুক্ত সকল শ্রেণির শ্রমিকগণের জন্য নিম্নতম মজুরী হার নির্ধারণের বিষয়ে নিম্নতম মজুরী বোর্ড সর্বসম্মতিক্রমে গণপ্রজাতন্ত্রী বাংলাদেশ সরকারের নিকট নিম্নলিখিতভাবে খসড়া সুপারিশ পেশ করিল:

- ১। এই সুপারিশে উল্লিখিত নিম্নতম মজুরী হার বাংলাদেশে অবস্থিত সকল এলাকার “হোমিওপ্যাথ কারখানা” শিল্প সেক্টরের জন্য প্রযোজ্য হইবে।
- ২। এই সুপারিশে উল্লিখিত পদের অতিরিক্ত কোনো পদ সংশ্লিষ্ট শিল্পে পূর্ব হইতে বিদ্যমান অথবা পরবর্তীতে সংযোজিত হইলে উহা যথাযথ শ্রেণিতে/গ্রেডে অন্তর্ভুক্ত করা যাইবে।
- ৩। উক্ত শিল্প সেক্টরের তপশিলে উল্লিখিত শ্রমিক বর্তমানে যে গ্রেডে কর্মরত আছেন সেই গ্রেডেই তাকে স্থলাভিষিক্ত করিয়া এই মজুরী কাঠামোর সহিত সমন্বয়পূর্বক তাহার মজুরী নির্ধারণ করিতে হইবে। কোনো শ্রমিককে নিম্ন গ্রেডভুক্ত করা যাইবে না।

- ৪। এই সুপারিশের প্রেক্ষিতে সরকার কর্তৃক প্রজ্ঞাপন জারির পর হইতে উক্ত শিল্প সেক্টরের মালিকগণ তপশিলে উল্লিখিত পদবিন্যাস অনুযায়ী শ্রমিককে যথাযথ পদে সন্নিবেশিত করিয়া মজুরী রেজিস্টারভুক্তকরত মজুরী স্লিপ প্রদান করিবেন।
- ৫। তপশিল “ক” ও তপশিল “খ” এ উল্লিখিত মজুরী মাসিক নিম্নতম মজুরী হিসাবে গণ্য হইবে এবং উক্ত নিম্নতম মজুরী অপেক্ষা কম মজুরী প্রদান করা যাইবে না। এছাড়া উক্ত নিম্নতম মজুরী অপেক্ষা অধিকহারে মজুরী প্রদত্ত হইয়া থাকিলে তাহা হাস করা যাইবে না।
- ৬। নিয়োগকর্তা বা মালিকপক্ষ ইচ্ছা করিলে স্ব-উদ্যোগে বা এককভাবে বা যৌথ উদ্যোগে সম্পাদিত চুক্তি অনুযায়ী কোনো শ্রমিক অথবা শ্রমিকগণকে অধিক হারে মজুরী প্রদান করিতে পারিবেন।
- ৭। উক্ত শিল্প সেক্টরে কোনো শ্রমিক ঠিকাদারের মাধ্যমে নিয়োজিত হইয়া মজুরী প্রাপ্ত হইয়া থাকিলে উক্ত শ্রমিকও বাংলাদেশ শ্রম আইন, ২০০৬ এর ধারা ২(৬৫) অনুযায়ী “শ্রমিক” বলিয়া গণ্য হইবেন। উক্ত শিল্প সেক্টরে কোনো শ্রমিকের ঠিকাদারের নিকট প্রাপ্য পাওনাটির ক্ষেত্রে সমস্যা সৃষ্টি হইলে তাহার দায়-দায়িত্ব মালিকপক্ষের উপর বর্তাইবে। ঠিকাদার নিম্নতম মজুরী বোর্ডের সুপারিশের আলোকে সরকার কর্তৃক শ্রমিকের জন্য ঘোষিত নিম্নতম মজুরী অপেক্ষা কোনোক্রমেই কম মজুরী প্রদান করিতে পারিবেন না।
- ৮। শর্ত (৭) এ উল্লিখিত নিয়োগকারী ঠিকাদার বাংলাদেশ শ্রম আইন, ২০০৬ এর ধারা ১২১, ধারা ১৫০ এবং ধারা ১৬১ এর বিধান মোতাবেক মালিকের ন্যায় একইরূপ ব্যবস্থা গ্রহণ করিবেন।
- ৯। উক্ত শিল্প সেক্টরের মালিক যদি শ্রমিককে ফুরনভিত্তিক (Piece rate) মজুরী প্রদান করিয়া থাকেন, তবে তপশিলে উল্লিখিত হারে ও উপরি-উক্ত শর্তাধীনে মজুরী র হার এইরূপ হারে সংশোধন করিতে হইবে যাহাতে তাহারা বিভিন্ন শ্রেণিভুক্ত শ্রমিকের জন্য নির্ধারিত নিম্নতম মজুরী অপেক্ষা কম মজুরী প্রাপ্ত না হন।
- ১০। তপশিলে উল্লিখিত নিম্নতম মজুরী ও বিভিন্ন ভাতাদি ছাড়াও শ্রমিক কর্মরত প্রতিষ্ঠানে অন্যান্য যে সকল অধিকার, সুযোগ-সুবিধা ও ভাতা পাইয়া থাকেন তাহা বাংলাদেশ শ্রম আইন, ২০০৬ এর সংশ্লিষ্ট ধারার বিধান মোতাবেক বলবৎ ও অব্যাহত থাকিবে।
- ১১। এই সুপারিশে উল্লিখিত নিম্নতম মজুরী সমন্বয় করিয়া ০১(এক) বৎসর কর্মরত থাকার পর শ্রমিকগণের মূল মজুরী র ৫% হারে বাৎসরিক ভিত্তিতে মজুরী বৃদ্ধি

পাইবে। পরবর্তী বৎসরে ক্রমবর্ধমান হারে পুনরায় মূল মজুরী র ৫% হারে বৃদ্ধি পাইবে।

**ব্যাখ্যা:** যদি একজন শ্রমিকের মূল মজুরী ৬০০০/- (ছয় হাজার) টাকা হয়; তবে এক বৎসর কর্মরত থাকার পর তাহার বাৎসরিক মজুরী বৃদ্ধি পাইয়া মূল মজুরী ৬,৩০০/- (ছয় হাজার তিনশত ) টাকা নির্ধারিত হইবে। পরবর্তী বৎসরে ক্রমবর্ধমান হারে পুনরায় ৫% হারে বৃদ্ধি পাইবে। অর্থাৎ মূল মজুরী ৬,৩০০/- (ছয় হাজার তিনশত ) টাকার ৫% বৃদ্ধি পাইয়া ৬,৬১৫/- (ছয় হাজার ছয়শত পনের ) টাকা নির্ধারিত হইবে।

- ১২। উক্ত শিল্প সেক্টরে নিযুক্ত শ্রমিক বাংলাদেশ শ্রম আইন, ২০০৬ এবং বাংলাদেশ শ্রম বিধিমালা, ২০১৫ এর সংশ্লিষ্ট ধারা ও বিধি অনুযায়ী ভাতাদি এবং অন্যান্য সুবিধাদি প্রাপ্য হইবেন।
- ১৩। এই সুপারিশের কোনো অংশ প্রচলিত বাংলাদেশ শ্রম আইন, ২০০৬ এবং বাংলাদেশ শ্রম বিধিমালা, ২০১৫ এর সহিত সাংঘর্ষিক হইলে সেই অংশ বাতিল বলিয়া গণ্য হইবে।

**স্বাক্ষরিত**

**মোঃ শাহেনুর**

চেয়ারম্যান (সিনিয়র জেলা জজ)

নিম্নতম মজুরী বোর্ড, ঢাকা।

**স্বাক্ষরিত**

**অধ্যাপক ড. মোঃ কামাল উদ্দীন**  
নিরপেক্ষ সদস্য

**স্বাক্ষরিত**

**মকসুদ বেলাল সিদ্দিকী**  
মালিকগণের  
প্রতিনিধিত্বকারী সদস্য

**স্বাক্ষরিত**

**সুলতান আহম্মদ**  
শ্রমিকগণের প্রতিনিধিত্বকারী  
সদস্য

**স্বাক্ষরিত**

**মোঃ আলী হোসেন**  
সংশ্লিষ্ট শিল্পের মালিকগণের  
প্রতিনিধিত্বকারী সদস্য

**স্বাক্ষরিত**

**মোঃ আব্দুল্লাহ মিয়া**  
সংশ্লিষ্ট শিল্পে নিযুক্ত  
শ্রমিকগণের প্রতিনিধিত্বকারী  
সদস্য

## তপশিল “ক”

## শ্রমিকগণের নিম্নতম মজুরী হার

ক্রমিক নম্বর	শ্রমিক পদবিন্যাস ও শ্রেণি বিভাগ	মাসিক মূল মজুরী (টাকা)	বাড়ী ভাড়া ভাতা (টাকা) (মূল মজুরী র ৫০%)	চিকিৎসা ভাতা (টাকা)	যাতায়াত ভাতা (টাকা)	সর্বমোট মজুরী (টাকা)
(১)	(২)	(৩)	(৪)	(৫)	(৬)	(৭)
১।	<b>গ্রেড-১: উচ্চতর দক্ষ:</b> (০৫ বছরের উর্ধ্বে)- ১। কেমিস্ট	২১,৬০০/-	১০,৮০০/-	১,৫০০/-	১,০০০/-	৩৪,৯০০/-
২।	<b>গ্রেড-২: দক্ষ-১:</b> (০৪ বছরের উর্ধ্বে)- ১। সহকারী কেমিস্ট	১৬,০০০/-	৮,০০০/-	১,৫০০/-	১,০০০/-	২৬,৫০০/-
৩।	<b>গ্রেড-৩: দক্ষ-২:</b> (০৩ বছরের উর্ধ্বে)- ১। সুপারভাইজার ২। সিনিয়র ডাইলিউশনার ৩। সিনিয়র কম্পাউন্ডার ৪। সিনিয়র টেকনিশিয়ান ৫। সিনিয়র সেলসম্যান	১০,৫০০/-	৫,২৫০/-	১,৫০০/-	১,০০০/-	১৮,২৫০/-
৪।	<b>গ্রেড-৪: আধা-দক্ষ:</b> (০১ বছরের উর্ধ্বে)- ১। জুনিয়র ডাইলিউশনার ২। জুনিয়র কম্পাউন্ডার ৩। জুনিয়র টেকনিশিয়ান ৪। জুনিয়র সেলসম্যান	৭,০০০/-	৩,৫০০/-	১,৫০০/-	১,০০০/-	১৩,০০০/-

(১)	(২)	(৩)	(৪)	(৫)	(৬)	(৭)
৫।	<b>গ্রেড-৫: অদক্ষ:</b> (০৬ মাসের উর্ধ্ব)- ১। হেলপার ২। ওয়াশারম্যান ৩। প্যাকার	৬,০০০/-	৩,০০০/-	১,৫০০/-	১,০০০/-	১১,৫০০/-
৬।	<b>শিক্ষানবিশ:</b>	<p>(ক) শিক্ষানবিশিকাল ৩ (তিন) মাস। তবে শর্ত থাকে যে, একজন শ্রমিকের ক্ষেত্রে শিক্ষানবিশিকাল আরও ৩ (তিন) মাস বৃদ্ধি করা যাইবে যদি কোনো কারণে প্রথম ৩ (তিন) মাস শিক্ষানবিশিকালে তাহার কাজের মান নির্ণয় করা সম্ভব না হয়।</p> <p>(খ) শিক্ষানবিশিকালে শিক্ষানবিশ শ্রমিক মাসিক সর্বসাকুল্যে ৮,৫০০/- (আট হাজার পাঁচশত) টাকা প্রাপ্ত হইবেন।</p> <p>(গ) শিক্ষানবিশিকাল সন্তোষজনকভাবে সমাপ্ত হইবার পর শিক্ষানবিশ শ্রমিক সংশ্লিষ্ট গ্রেডের স্থায়ী শ্রমিক হিসাবে নিযুক্ত হইবেন।</p>				

## তপশিল “খ”

## কর্মচারীগণের নিম্নতম মজুরী হার

ক্রমিক নম্বর	শ্রমিক পদবিন্যাস ও শ্রেণি বিভাগ	মাসিক মূল মজুরী (টাকা)	বাড়ী ভাড়া ভাতা (টাকা) (মূল মজুরী র ৫০%)	চিকিৎসা ভাতা (টাকা)	যাতায়াত ভাতা (টাকা)	সর্বমোট মজুরী (টাকা)
(১)	(২)	(৩)	(৪)	(৫)	(৬)	(৭)
১।	<b>গ্রেড- ১:</b> ১। একাউন্টেন্ট	১২,০০০/-	৬,০০০/-	১,৫০০/-	১,০০০/-	২০,৫০০/-
২।	<b>গ্রেড- ২:</b> ১। টাইপিস্ট/ কম্পিউটার অপারেটর ২। স্টোর কিপার ৩। ক্যাশিয়ার ৪। ডেলিভারীম্যান ৫। ড্রাইভার	১১,০০০/-	৫,৫০০/-	১,৫০০/-	১,০০০/-	১৯,০০০/-
৩।	<b>গ্রেড- ৩:</b> ১। ক্লিনার/সুইপার ২। পিয়ন ৩। দারওয়ান	৬,৮০০/-	৩,২০০/-	১,৫০০/-	১,০০০/-	১২,৫০০/-
৪।	<b>শিক্ষানবিশ:</b>	ক) শিক্ষানবিশিকালে শিক্ষানবিশ শ্রমিক মাসিক সর্বসাকুল্যে ৮,৫০০/- (আট হাজার পাঁচশত) টাকা প্রাপ্ত হইবেন। (খ) শিক্ষানবিশিকাল ০৬(ছয়) মাস। (গ) শিক্ষানবিশিকাল সমাপ্ত হইবার পর শিক্ষানবিশ শ্রমিক সংশ্লিষ্ট গ্রেডের স্থায়ী শ্রমিক হিসাবে নিযুক্ত হইবেন।				

মোহাম্মদ ইসমাইল হোসেন (উপসচিব), উপপরিচালক, বাংলাদেশ সরকারী মুদ্রণালয়, তেজগাঁও, ঢাকা কর্তৃক মুদ্রিত।  
হাছিনা বেগম, উপপরিচালক (উপসচিব), বাংলাদেশ ফরম ও প্রকাশনা অফিস, তেজগাঁও,  
ঢাকা কর্তৃক প্রকাশিত। web site: www. bgpress. gov. bd